



Pou Piblikasyon Imedya: 05/08/2021

GOUVÈNÈ ANDREW M. CUOMO

GOUVÈNÈ CUOMO ANONSE LANSMAN EXCELSIOR PASS PLUS POU SIPÔTE RETOU SAN DANJE AK SEKIRIZE TOURIS AK VWAYAJ POU BIZNIS

Platfòm New York la Ki Se Premye ki Reyisi nan Peyi a Ap Ofri yon Nouvo Opsyon Lesepase Kounye a Ke Lòt Eta yo, Lòt Peyi ak Biznis nan Tout Mond lan Rekonèt

*Baze sou Revisit Excelsior Pass la -- Gen Plis Pase 3 Milyon Lesepase yo
Rekipere Jiska Dat Jodi a*

Nan Kad Premye Patenarya ki Janm Fèt Konsa, VeriFLY Pral Aksepte Telechajman Excelsior Pass Plus pou Vwayaj sou American Airlines

Teyat Broadway yo, Free Shakespeare in the Park Teyat Biblik yo ak Metropolitan Opera nan Lincoln Center a ap Itilize Excelsior Pass pou Admisyon nan Evènman yo; Marriott Pral Ofri Solisyon Excelsior Pass bay Planifikatè Reyinyon k ap Òganize Evènman nan Plis Pase 200 Pwopriyete li genyen nan New York yo

Jodi a, Gouvènè Andrew M. Cuomo anonse lansman Excelsior Pass *Plus* la pou ogmante opòtinite vwayaj ak komès pou Nouyòkè yo atravè aktivasyon konpatibilite ant platfòm Excelsior Pass Eta New York la, ki jenere 3 milyon lesepase epi ki bay prèv nimerik sou vaksinasyon oswa rezulta tès negatif ak [SMART Health Cards Framework](#) (Estrikti Kat Sante ENTELIJAN) ki sekirize anpil, ke tout mond lan rekonèt epi ke yon konsòsyòm entènasyonal ki rele [VCI](#) devlope. Sa a gen ladan I premye patenarya ki fèt konsa nan peyi a avèk VeriFLY ke Daon kreye, kote se atravè I itilizatè Excelsior Pass *Plus* yo ka telechaje enfòmasyon vaksinasyon COVID-19 verifye yo sou VeriFLY yon fason sekirize epi vwayaje atravè American Airlines pou ale nan peyi Grès, Lafrans, Lespay, Itali ak Baamas epi sou vòl endirèk pou ale Èlsalvadò, Almay, Gwatemala, Ondiras ak Pòtoriko. Lis sa a pral kontinye lonje kòm gen patenarya pou facilite aksè ak plis peyi k ap devlope.

Nouyòkè yo pral kapab afiche Excelsior Pass *Plus* yo a nan plizyè santèn biznis ak kote ki egzije prèv vaksinasyon ak lè yo pral nan enstitisyon kote yo aksepte [SMART Health Cards](#) yo. Excelsior Pass *Plus*, yon rezulta patenarya estratejik ant Eta New York la ak VCI, pral ofri Nouyòkè yo yon aksè sekirize pou rekipere yon kopi nimerik sekirize kanè vaksinasyon COVID-19 yo a avèk [SMART Health Cards Framework](#) - sa k ap rann eksperyans vwayaj ak komès ant eta yo ak entènasyonal yo pi sekirize, san kontak epi pi transparan.

Gouvènè Cuomo di: "Excelsior Pass pèmèt Nouyòkè yo retounen jwenn moun ak bagay yo renmen, sa ki tou estimile repriz ekonomik nou". "Excelsior Pass *Plus* pral fè sa avanse plis epi li fè pati gwo angajman nou pou nou fè efò pou verifikasyon vaksinasyon nou yo pase nan yon lòt nivo yon fason sekirize. Depi premye jou a, nou te di ke kesyon 'sante publik oswa ekonomi' an se yon fo chwa - li se epi li dwe toujou toulede, epi pandan n ap kontinye swiv lasyans pou nou rete annavans sou pandemi an, n ap kontinye inove zouti nou yo pou asire ke Nouyòkè yo ak biznis New York yo pwospere."

Sou baz solisyon Excelsior Pass Eta a ki reyisi a, Excelsior Pass *Plus* elaji itilizasyon I, pou sipòte retou sekirize vwayaj touris ak biznis yo — motè ekonomik prensipal pou Eta a — epi pou ofri yon opsyon Pas ki gen menm nivo enfòmasyon ak validite ak yon Kat Vaksinasyon CDC, avèk plis sekirite pase yon kat fizik ki ka pèdi oswa ke yo ka vòlè epi ke Eta New York la verifye.

Excelsior Pass *Plus* te devlope nan yon patenarya ak VCI, yon koalisyon volontè 570 òganizasyon publik ak prive—ki gen ladan yo [The Mayo Clinic, MITRE, Boston Children's Hospital](#), Microsoft ak [Fondasyon The Commons Project](#)—ki te dirije devlopman ak emplémentasyon [SMART Health Cards Framework](#) sous lib la ak espesifikasiyon yo ke yo deja ap itilize nan eta tankou California, Louisiana ak Hawaii. Avèk sekirite otantifikasiyon ki gen de (2) faktè a, Excelsior Pass *Plus* elaji angajman Eta a pou l bay moun yo aksè ak yon kopi pwòp kanè vaksinasyon yo sou fòm papye oswa nimerik ki gratis, fyab, ki prezève konfidansyalite epi ki verifyab epi li sipòte amonizasyon estanda ki nesesè pou delivrans enfòmasyon verifyab sou sante atravè mond lan - done klinik ki siyen epi ki lye ak yon idantite endividyle. Aktyèlman, plis pase 50 peyi nan mond lan ap otorize antre vwayajè Ozetazini yo avèk prèv vaksinasyon COVID-19 la.

Rick Cotton, Direktè Egzekitif Otorite Pòtyè New York ak New Jersey a, di: "Anons Gouvènè Cuomo fè pou premye patenarya ki fèt konsa ant Eta New York ak VeriFLY ki pral pèmèt vwayajè yo itilize Excelsior Pass *Plus* pou vòl lòtbò dlo yo se yon etap esansyèl nan repriz vwayaj touris ak biznis yo, de (2) pilye ekonomi rejjonal nou an. Lansman Excelsior Pass *Plus* ak patenarya ak VeriFLY la ranfòse latrìye efò Otorite Pòtyè New York ak New Jersey yo pandan tout pandemi an pou bay vwayajè yo konfyans nan sekirite vwayaj aerien an."

JP Pollak, kofondatè The Commons Project, chèchè prensipal nan Cornell Tech epi yon ko-lidè VCI, di: JP Pollak, kofondatè The Commons Project, chèchè prensipal nan Cornell Tech epi yon kolidè VCI di: "Adopsyon SMART Health Cards yo ak estanda lib nan Excelsior Pass *Plus* la se yon gwo gwo etap nan disponibilite enfòmasyon sou sante ki fyab pou tout moun". "Epi antanke Nouyòkè, mwen gen rekonesans dèske m ka demonstre eta sante m yon fason fyab tout kote m ale, san sakrifye konfidansyalite m. Sa a se yon lòt etap esansyèl pou nou tounen ouvri epi relanse Eta ekitab nou an."

Excelsior Pass, ke Gouvènè Cuomo te lanse nan mwa [mas](#) la, te premye pas konsa ki te disponib nan peyi Etazini, ki ofri yon mwayen gratis, rapid epi sekirize pou prezante prèv nimerik vaksinasyon COVID-19 ou oswa rezulta negatif tès ou pou akselere ouvèti Eta a ankò, ki gen ladan l pou endistri ki pran gwo frap yo tankou sèvis restorasyon, divètisman

ak otelri. [Destinasyon touristik](#) prensipal yo ak kote yo fè evènman yo ki gen ladan yo teyat Broadway yo, free Shakespeare in the Park Teyat Piblik yo ak Metropolitan Opera nan Lincoln Center a te anonsé, sa pa fè lontan, ke y ap itilize Excelsior Pass kòm prèv pou antre, sa ki vin annapre adopsyon reyisi atravè anpil nan pi gwo estad New York yo ki gen ladan yo Madison Square Garden, Barclays Center ak Yankee Stadium. Anplis, Marriott pral rann solisyon Excelsior Pass yo disponib pou planifikatè reyinyon k ap òganize evènman nan plis pase 200 pwopriyete li genyen nan New York yo.

Excelsior Pass *Plus vini annapre anons 28 jiyè* ke Gouvènè a te fè ki di ke tout travayè nan Eta a—anviwon 130,000—pral oblige vaksine oubyen teste chak semèn. Tout travayè nan swen sante ki gen kontak ak pasyan nan lopital eta a ap dirije yo pral oblige vaksine. Ni Excelsior Pass, ni Pass *Plus* ap aksepte kòm fòm prèv. Plis pase [75.7% adilt Nouyòkè](#) yo te resevwa pou pi piti yon dòz vaksen epi plis pase [68.8% adilt yo](#) vaksine nèt (CDC) - epi solisyon Excelsior Pass yo pral sipòte ouvèti espas pataje yo ankò, tankou biwo yo, pandan n ap pwoteje sante piblik moun k ap tounen nan etablisman sa yo.

Nouyòkè ki enterese yo ka jwenn plis enfòmasyon sou Excelsior Pass *Plus*—ki gen ladan yo kijan pou rekipere yon Pas atravè aplikasyon NYS Excelsior Wallet la—lè w vizite [epass.ny.gov](#).

Bagay ki Konsène Excelsior Pass *Plus*

- Excelsior Pass *Plus* se yon kopi kanè vaksinasyon COVID-19 ou ki sekirize, nimerik epi done itilizatè yo rete konfidansyèl epi sekirize.
- Excelsior Pass *Plus* ofri yon aksè sekirize ak enfòmasyon sou vaksinasyon epi li gen ladan I tip vaksen an, sit ak dat vaksinasyon an, menm jan ak Kanè Vaksinasyon papye ou a pou yon anrejistrement verifyab istorik vaksinasyon COVID-19 ou a soulamen.
- Excelsior Pass *Plus* te fèt avèk [SMART Health Cards Framework](#) ak estanda lib, ki ka ekspligate youn ak lòt pou Nouyòkè yo ka gen yon itilizasyon sekirize kote yo aksepte [SMART Health Cards](#) yo.
- Excelsior Pass *Plus* disponib pou rekipere pou moun ki resevwa vaksen COVID-19 yo nan Eta New York la oswa pou rezidan Eta New York ki founi enfòmasyon vaksinasyon yo bay pwofesyonèl swen sante yo nan Eta New York pou mete yo nan baz done vaksinasyon sekirize Eta New York la ak Vil New York la.
- Excelsior Pass *Plus* gen siyati kriptografik ladan yo pou pwouve verifikatè yo ke se yon jistifikatif otantik ke Eta New York la delivre epi ke yo pa falsifye I ni modifie I.
- Menm jan ak Excelsior Pass, ou ka aksede ak Excelsior Pass *Plus* atravè [Pòtay Wèb Excelsior Pass la](#) oswa atravè Aplikasyon NYS Wallet gratis la, men li nesesite yon nimewo telefòn oswa yon imèl pou otantifikasyon ak 2 faktè a.
- Excelsior Pass akonpanye ak yon Sèvis Kliyantèl ki gen anpil resous epi ki ka enprime pou sa ki ka pa posede telefòn entelijan yo.
- Aktyèlman disponib nan lang angle, pral gen lang adisyonèl k ap deplwaye nan mitan mwa out la.
- Pral gen yon mizajou sou Aplikasyon Eskanè Excelsior la nan mitan mwa out la pou aksepte tout tip Excelsior Pass, ki gen ladan yo Excelsior Pass *Plus* la.

- Moun ka rekipere epi genyen kantite Pas yo ka elijib pou yo, ki gen ladan yo Excelsior Pass Vaksinasyon, Pas Antijèn, Pas PCR ak/oswa kounye a, Excelsior Pass *Plus* yo epi yo ka vizite epass.ny.gov pou kòmanse.
- Menm jan ak Excelsior Pass, ou chwazi kilè, si epi kijan pou w prezante Excelsior Pass *Plus ou a* - ou ka reflechi ak prezante Excelsior Pass *Plus* ou a tankou w ap pataje Kanè Vaksinasyon CDC ou a. Moun yo toujou gen opsyon pou yo itilize lòt fòm prèv, tankou Kanè Vaksinasyon CDC papye yo a.

Tom Grissen, PDJ nan Daon, di: "Nou santi nou privileje nan Daon pou nou fè pati ekip nan Eta New York la k ap ede moun reprann eksperyans nou tout renmen yo -- ke se pran yon vòl pou yon vakans ant fanmi ke yo byen bezwen, ke se ale nan yon espektak oswa konsè. Plis pase yon milyon moun nan mond la deja fè VeriFLY konfyans ak vwayaj yo epi nou kontan pou nou asiste Nouyòkè yo nan pa yo."

Doktè Brian Anderson, doktè anchèf sante nimerik nan MITRE epi yon kolidè VCI, di: "Eta New York la pataje vizyon VCI pou l bay moun yo yon aksè mobil pratik epi sekirize ak pwòp dosye sante yo pou sipòte espas travay, biznis, lekòl ak touris ki pi sekirize nan tout Empire State la. Nou kontan dèské New York adopte SMART Health Card Framework la pandan y ap kontinye inove epi sipòte rezidan ak vizitè yo pou yo rakonte pwòp istwa sante yo sou plan lokal epi atravè mond la."

Doktè John Halamka, prezidan Mayo Clinic Platform epi yon kolidè VCI, di: "Pandan 40 lane ki sot pase yo, nou aprann pouvwa estanda. Nou kontan anpil ke kolaborasyon an pral ede kreye yon anviwònman kote Nouyòkè yo ak biznis yo ka jwi vwayaj yo epi retounen nan travay yon fason sekirize."

Doktè Josh Mandel, achitèk anchèf nan Microsoft epi yon kolidè VCI, di: "SMART Health Cards Framework la souliyen angajman VCI pou konfyans ak transparans. Baze sou estanda lib, kad sa a founi yon fason sekirize pou mande, sovgade epi pataje enfòmasyon sante. Nou fyè pou nou kontribiye nan efò Eta New York la pou sekirize byennèt rezidan yo epi favorize yon retou sekirize."

Tammy Routh, Visprezidan Prensipal, Òganizasyon Mondyal Lavant, Marriott International, di: "Nan kad inisyativ Connect with Confidence (Konekte avèk Konfyans) Marriott la, ki ofri solisyon reyinyon inovan ak pwotokòl sante opsyonèl bay pwofesyonèl k ap rankontre yo, nou kontan pou nou rann solisyon sekirize Excelsior Pass Eta New York yo disponib pou kliyan planifikatè reyinyon nou yo."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)